

20.11.51 Aaqqissuusseqqinnerit sunniutaat (Ingerlatsinermit aningaasaliissutit)

Missingersuutit immikkoortiteri

	AS 2015	M 2016	M 2017	M 2018
	-- 1.000 kr. --		---- mio. kr. ----	
Ilangaaseereerluni aningaasartuutit	0	37,7	-16,1	-22,1

Allannguutissatut siunnersuut manna aqputigalugu missingersuutitut ilangussami oqaasertaliussat kiisalu aaqqissuusseqqinnerit ilaasa aningaasaqarnermut sunniutissaa nalimmassarniarneqarput. Aamma 'utoqqalinersiaqartitsinermit aaqqissuusseqqinneq' aaqqissuuteqqitassatut nutaatut ilannguteqquneqarpoq.

Tullinnguullutik allassimasut peeqquneqarput:

"Nutarterinissat sunniutissai paasissutissat ukiut isertitaqarfiusut siuliineersut aallaavigalugit naatsorsorneqarsimapput. Paasissutissat nutaat takkussuutsillugit nutartertillugit sunniutissat naatsorsorneqaqqillutillu iluarsineqarumaarput, taamaammallu kontumut pingaarnermut matumunnga imaassinnaavoq aappassaaneerinninnissamut imaluunniit pingajussaaneerinninnissamut allannguutissatut siunnersuummik saqqummiussisoqartoq."

Suliniut '1. Siusinaartumik pensionisiaqartitsisarnermik aaqqissuusseqqinneq' aaqqissuusseqqinnermut oqaasertaliussamut uku taarsiuteqquneqarput:

"

Inatsisartut 2015-imi upernaakkut katersuunneranni siusinaartumik pensionisiat pillugit inatsisissatut siunnersuut nutaaq Naalackersuisut saqqummiutissavaat. Inatsit nutaaq taanna aqputigalugu anguniarneqarpoq, siusinaartumik pensionisiaqartitsisarnermut inuit ataasiakkaat sulisinnaassusaannik naliliinermik aallaaveqartarnissaa. Inuit siusinaartumik pensionisarsersut 60-illu inorlugit ukiullit ukiut tallimat ingerlaneranni sulisinnaassusaat nalilersorneqassaaq. Sulisinnaassutsimik naliliineq aallaavigalugu aalajangersarneqassaaq inuk pineqartoq siusinaartumik pensionisiaqaannarnissamut pisinnaatitaanersoq, taamaappat inuk pineqartoq tamakkiisumik, akunnattumik appasinnerpaamilluunniit siusinaartumik pensionisiaqartinneqassanersoq nalilerneqassaaq.

Naatsorsuutigineqarpoq nalilersuinerup nassataanik siusinaartumik pensionisartut 15 %-ii nalinginnaasumik suliffeqalissasut, piginnaangorsaqqinneqassasut imaluunniit oqitsumik suliffeqalissasut. Siusinaartumik pensionisartut 70 pct.-iisa qaffasinnerpaamik pensionisarnissaat, sinneruttullu 30 pct.-iisa akunnattumik appasinnerpaamilluunniit pensionisarnissaat missingerneqarpoq.

Siusinaartumik pensionisartut ilaat sulisinnaassutsiminnik nalilersuiffigineqarnermut ilaatillugu piginnaangorsaqqinneqassapput allallu sulisinnaassutsiminnik nalilersuiffigineqareerunik piginnaangorsaqqinneqassallutik. Siunertaavoq piginnaangorsaaqqiisarnermik aaqqissuusamut tunngatillugu Inuusutissarsiornermut, Suliffeqarnermut Niuernermullu Naalackersuisoqarfiup aamma Iliniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiup suleqatigiinnerisigut nutaamik eqqarsalernissaaq, tassa aaqqissuusaaq

sapinngisamik siammassinnerpaamik atorneqarsinnaangorlugu, tassunga assersuutigalugu ilanngullugit immikkut ittumik ilinniartitsinermi, inersimasunik ilinniartitsinermi assigisaannilu. Tamatuma saniatigut aamma siunertaavoq, Inuussutissarsiornermut, Suliffeqarnermut Niuernermullu Naalackersuisoqarfimmik suleqateqarluni oqitsumik suliffeqartitsisarnermik aaqqissuussap nutarterneqarnissaa nutaamillu eqqarsaatigineqalernissaa, tassa assersuutigalugu inuit ikilisitamik siusinaartumik pensionisisartut oqitsumik suliffeqalernissaat ilaatinneqalerluni.

Aamma oqitsumik suliffeqartitsiniarluni, piginnaangorsaaqqinniarluni kommuninilu sullissisarneq pillugit suliniutit nukittorsarneqarnissaannut missingiisoqarpoq. Sulisinnaassutinik nalilersuinnermut atatillugu kommunit sullissinissaannut 3,2 mio. kr.-t immikkoortinneqarput. Aamma sulisinnaassutsimik nalilersuinnermut atatillugu naammagittaalliutinik suliarinnittartussaq siusinaartumik pensionisianut tunngatillugu naammagittaalliortarfiup pilersinneqarnissaanut aningaasanik immikkoortitsisoqarpoq.

Ataatsimut isigalugu siusinaartumik pensionisianik aaqqissuusseqqinneq 2016-imi 3,1 mio. kr.-nik, 2017-imi 2,6 mio. kr.-nik 2018-imilu 5,3 mio. kr.-nik aningaasartuuteqarfiunerussaap. Missingersuinnermi tunngaviuvoq kommunit piginnaangorsaaqqiillutik suliaqarnerunissaat

"

Suliniut '2. Pensionisiat tunniunneqarneranni akileraarusersuineq:' missingersuutitut ilanngussami oqaasertaliussat uku ilannguteqquneqarput:

"Tamatuma nassataanik 2016-imit 30 mio. kr.-nik ukiumut isertitaqarnerusoqartalernissaa missingerneqarpoq."

Tulliullugu oqaasertaliussamik taarserneqarpoq Danmarkimi SKAT-mit paasissutissat pissarsiarineqartut pissutigalugit aamma inatsisissap 2017-imit aatsaat atuutilernissaata akuersissutigineqarnissaanik naatsorsuuteqarneq pissutigalugu:

"Tamatuma nassataanik 2017-imit 55 mio. kr.-nik ukiumut isertitaqarnerusoqartalernissaa missingerneqarpoq."